

雲龍州志

雲龍州志

原書落字添注及誤寫點去今書甚多
今均照原樣行款頁數亦均照舊

署大理府雲龍州知州

遵札卑州造報採訪志書彙冊呈報

雲龍州志

藝文

三物之教藝居其末四科之目文列為終古人
原不尚文也然居今稽古無文不行雲郡終露

文教凡

盛世綸音之播前輩著作之文與夫騷人之吟咏有
關於掌故風化者亦不容沒茲特採而錄之以
供披覽焉志藝文

明

題五白二井爭行鹽地方疏

巡按潘

濬

南海

題為五白二井紛競無休謹書定課以一羣情

疆

以裨釐政事議照滇南鹽井白井居其東為姚

安屬五井居其西為大理屬風馬牛不相及也

今兩井間為行鹽地方彼疆此界喙喙爭鳴案

牘不啻山積而總以鶴慶為競端五井曰吾所

專行也爾胡我侵白井曰吾得兼行也爾胡我

悵顧鶴慶食鹽積漸以來牢不可破蓋白鹽色
瑩味甘又無崇岡峻嶺之限而輦負易五井鹽
色黑味苦加以崇巒絕澗之隔而灌輸難隨歆
厭而吐茹人情自然而然亦事勢不得不然故
白井地日闢矣而鶴脰雖長莫可斷也五井地
日蹙矣而鳬脰雖短莫可續也而鶴慶北連川
境一二狡黠奸商又欲以川鹽行於鶴慶常假
名五井白晝通衢窘白井商販而攫其貨且時

訟於官鶴人殊苦之三十五年鶴郡曾建議調
停哀益而兩井灶丁枘鑿相持竟同道旁之舍
大理姚安兩府官又至為其屬互分左右袒滋
脣舌而虧國課何利之有焉臣委永昌通判伍
禮順楚雄推官胡亮以局外之人平局中之事
集衆酌處而議始定以鶴慶明改歸白井而五
井不必耽烏有亡是之空名自甘逋課之實害
以鄧川浪穹仍歸之五井而白井不得襲假道

滅虢之故智再肆攘奪之陰謀地贏課與俱贏
白井歲增三百兩也地絀課與俱絀也五井歲
減叁百兩而二屬順盪一屬師井也剖土析壤
之內為定囂息勞之圖酌盈劑虛之中寓抑強
扶弱之意輕重適均彼此各得兩井灶丁亦始
心安意肯更無復異同而通商裕課於焉攸賴
矣課額增減臣可徑行至定行盪地方非惠邀
明旨無以垂令甲而戢人心理合具題伏乞勅

下戶部覆議上請臣欽遵令各勒石永遵施行
裨益滇餉非淺鮮矣

事在萬曆四十八年

王濟曰雲郡重山陡壑田不足耕民人之輻輳
者惟事煎煮銷售之處烏可不亟定耶鄧浪密
井地^通歲銷額五十萬觔資以辦課視為固然豈
知自先生入告始哉鶴慶去井差遠而情形向
背前後各殊上牛街無鹽可食五十四年間詳
請道憲蒙批歲銷雲井萬觔此又事之不可執

一者詳之於冊俾知所由來焉

分守金滄道叅政彭公平叛頌德碑

萬曆四十八年

御史潘一柱

粵稽雲南實漢郡縣慨唐政不經封疆之夷弗諳
遠略始而滋萌既乃憤機一挫弗振遂舉職方
版圖委而棄之自唐終宋沿蒙暨段幾有千禩
我明高皇帝蕩以神武漸以文教平甯熙洽二
百年於茲邇者雲龍州逆寇進忠故段酋別部

恃其強固數加凌暴旋謀篡奪驟襲嘉龍殺之
殘裂肢體僭據矯命寬之勿誅猶弗悛弗戢反
謀益急治械儲餼刼戮橫肆颺來颺去為大水
諸郡憂萬曆庚申歲我萬載彭公以叅知御命
守金滄兼攝分巡密授指畫於今撫臺吳興沈
公傲炘前直指南海潘公濬既抵鎮廣詢熟諮
聚宋畫地得其險扼所在進兵所由計計非五
萬衆不可公曰么魔狡寇急之則困獸不且為

逸虎惟計致之則一籠鳥耳廉諸郡僚得其精
練警敏威信素著者永昌陳郡丞大理陸司理
麗江程倅雲龍州牧各授方畧或揚我皇威或
昭我大信或撫其腹心或離其儔黨左提右挈
前特後角舉逆寇所恃為長策而萬無一危者
我盡得其要領而褫其神鬼賊遂進退齟齬應
援道絕乃偽托赴愬希騁說辨翼緩須臾且倚
跋扈故態擁衛強兵逼城而陣名為待命將出

於不意以得志因率逆衆由永平間道驟抵大
理乃公之分布已定賊適入穀中命薛中軍陳
周二揮使一鼓擒縛諸脇從周治諭而遣之不
遺一寇不僇一人隨矜撫餘民則鏹崖濬壑險
厯猿攀猱接窮其巢窟搜獲藏鏃數斗儲械無
算議者乃服公成算云竊惟滇徼諸彝世以爵
土為我外藩巨數深山易於伏莽所貴牯角績
牙得機早制張張阱設相地施方防則搏噬之

克自勿及熾乃蠹爾小醜寬以恩而勿格倒以
柄而愈恣若養癰疣不忍割決尤而效者觀望
踵也起非公沉幾妙算及諸大夫宣勞運奇必
勤大舉滇西諸郡雲龍生靈豈能安枕乎夫張
吾三軍以斬馘奏功未始非聲罪致討之宜也
然在仁人不忍言而智者尤有萬全之慮焉若
天寶故事可覽已孰有兵不試而威震費不殫
而功全殄積年之大愆貽列郡以永謐斯民之

爰止是土者食平定生全之福其祠廟尸祝當
億萬禩何紀極耶周守首奉公密計躬履危險
備極勞瘁知公功最詳戴公德最厚謂不可無
紀以詔後世乃屬一柱為之頌其敢以不文辭
謹志其略如此公名自新號祖銘壬辰進士江
西萬載縣人陳丞錫爵廣東南海人陸司理德
龍貴州郁匀府人程倅文弼貴州新貴縣周知
州憲章貴州思南府人薛中軍來徽郡太子子

陝西

咸陽縣人揮使陳諫周承趙大理衛世官繫以
詩曰西南郡縣自漢元封固以外藩界啟雲龍
黑水為池表鎮峯崇唐治不經強蹟作凶赫赫
天疆盡昇蠻賓明德開天統一區宇況掃炎氛
漸以干羽眷茲歸正世作藩輔詎謂異孽鍾有
身猶戕類賊親恣睢跋扈弗治彝狄大我皇仁
德不可懷亮頑弗悛負彼狡穴治械儲固叔衆
張威慘戮邊襲酋篡奪奄有蘭津厓我牧伯赫

斯震怒爰整戎旅剋期師度彭公至止淵慮却
顧諒茲小醜跳梁魚鮒但叩囊底甯煩搜捕乃
詔庶尹籍以前籌虛受轉圜才智兼收上策攻
心乃亂乃謀進退趨趨狼狽而投伏莽升陵險
譎深幽螳臂猶恣適罹兔罟一鼓盡縛不試戈
矛反首接足斷領懸體封丞既殪萬口勝謳誰
其貽安方岳列侯祠貌社稷報祀千秋欣為王
民耘耔田疇薄賦輕徭化日優游凡爾百彝共